



Inatsisartunut ilaasortaq Jens Immanuelson, Siumut

MAANI

Puisit amiinik nunanut allanut tuniniaaneq pillugu Naalakkersuisunut apeqqummut nr. 020-mut akissuteqaat.

Inatsisartut suleriaasissaanni § 37 imm. 1 malillugu puisit amiinut nunani allani tuniniaaviit pillugit Naalakkersuisunut apeqqummik saqqummiussaqaqputit. Apeqquut uanga susassaqaqfigisannit akineqartussanngorlugu innersuunneqarpoq. Akissutit marlungorlugit avippakka;

23-04-2013
Suliap normua 2013-082552
Allakkap normua 1189428

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

1a) Great Greenland A/S amminik nunat allat sorliit tunitsivigai aamma 1b) tunitsivissatut suut pilersaarutaappat?

1a-imut) Great Greenland A/S (GG A/S) EU EU-llu avataani nunanut puisit amiinik tunisaqartarpoq. Ammit tamakku siullermik Great Greenlandip Danmarkimi suleqatigisaanut, ammit tunisassiallu ineriikkat nunarsuarmi tamarmi tunisaanerannut akisussaasuusumut, annissorneqartarput. Tabel 1-imi takuneqarsinnaavoq 2010-miit 2012-imut nunanut EU-mut ilaasortaangitsunut puisit amiisa tunineqartut amerlassusiat, tabel 2-milu takuneqarsinnaalluni puisit amiisa 2012-imi EU-mut tunineqartut amerlassusiat.

Nunat EU-mut ilaasortaangitsut	2010	2011	2012
Ruslandi	27%	18%	19,1%
Ukraine			1,9%
Tyrkiet	8 %	12%	28%
Israel	3%	0%	0%
Norgemut	24%	20 %	23,3%
Canada	20 %	17 %	14,7%
Kina	10%	24%	4,1%
Japan	2%	0%	4,6%
Korea			0,5%
Islandimut	2%	4%	1,3%
Allat	4%	5%	2,5%
Katillugit	100%	100%	100%

Tabel 1. 2010-miit 2012-imut puisit amii nunanut EU-mut ilaasortaangitsunut tunisat amerlassusii

Nunat EU-mut ilaasortaasut	2012
Danmark	10,1%
Østrig	0,7%
Skotland/England	5,0%
Estland	5,1%
Finlandimut	10,7%
Grækenland	14,4%
Italien	23,1%
Letland	12,9%
Lithauen	8,3%
Holland	0,7%
Sverigemut	1,2%
Tyskland	1,4%
Belgien	1,4%
Polen	5,1%
Katillugit	100%

Tabel 2. 2012-imi puisit amiisa EU-mut tunineqartut amerlassusii.

1b-mut) "Great Greenland A/S-imut iloriusissat iliuusissatullu pilersaarutit 2011-2013"-imi allassimasutut GG A/S EU-p iluani avataanilu niueqateqarnissamut periarfissanik nassaarniartuarsinnarpoq.

EU-mi nunanut EU-mut ilaasortaasunut puisit amiinik tunisassianik tunisaqarnerulernissarput ilimagisinnaavarput Kalaallit Nunaat akuersissuteqartartut EU-mit akuersissutigineqariapat. EU-p peqqussutaa 2010-meersoq innersuutigalugu Kalaallit Nunaanni akuersissutinik akuersisartussamik toqqaasoqarsimassaaq tunisassiat puisineersut nunamut EU-mut ilaasortaasumut eqqussisoqartinnagu.

Nunanit EU-p avataaniittunit Asiami nunat ilaannit Canadamiillu soqutiginninneruleriartortoqartoq paasineqarsimavoq.

Tassunga atatillugu GG A/S-ip Kinami tuniniaaviit assigiinngitsutigut tunitsivigisaleqqinniarsarivai:

- Puisit amiinik tunisassianik tunisassioqqilernissaaq siunertaralugu siusinnerusukkut tunisassioqartumik annertuunillu pisiortortatumik ingerlaavartumik attaveqartarluni sunniiniartarlunilu.
- Siusinnerusukkut pisisartunut ingerlaavartumik atassuteqartarluni.

- Kinami nioqutissiassanik ilusilersuinissamik eqqarsaateqartumik ilusilersuisartumik suleqateqarluni.
- Kinami sumiiffinni assigiinngitsuni inunnut attaveqarfigisartakkanut amminik misiligutinik nassiussuisarluni.
- Hong Kongimi ameerniartumut attaveqarnej.

Kina 2012-imi 192.000 koruuninik kaaviiartitsiviuvoq GG A/S-ip kaaviiartitaasa tamarmiusut 1,7 %-iinik aamma GG A/S-ip EU-p avataani tunisaasa 4,1 %-iisut annertussusilinnik.

Korea Kujallermut tunisisoqalaartarpoq assigiinngitsutigut inerisarniarneqartumik. Aallarnisaaneq attaveqarfissallu pilersinneqarput angalaqatigiit december 2012-imi tikeraarneratigut.

Canadami tuniniaaviit aammattaaq puisinit tunisassianik Kalaallit Nunaanneersunik soqutinnipput, GG A/S-illu tuniniaasua tamakkuningga tuniniaavissatut pisiniarfimmik ammaasimavoq.

Aammattaaq GG A/S-ip nunatsinni tuniniaaneq annertusarniarlugu sulissutigaa:

- Brugsenimi Pisiffimmilu amminik akikitsunik tuniniaanertigut,
- mersortarfinnut amminik akikitsunik tuniniaanertigut,
- Brugsenimut Pisiffimullu pooqattanik assigiinngitsunillu tunisisarnikkut.
- Danmarkimi atisanik takutitsinernut peqataasarnertigut,
- Nittartakkakkut nioqquteqarfimmik (WEB-shop) pilersitsinikkut.

Inussiarnersumik inuulluaqqusillunga

Karl Lyberth